

JKM jelas punca kelewatan bantuan

KUALA LUMPUR 26 Dis. - Tiada anggaran tepat bagi jumlah mangsa banjir yang ditempatkan di pusat pemindahan, punca kelewatan bantuan untuk mangsa banjir di Kuantan, Pahang semalam.

Jabatan Kebajikan Masyarakat (JKM) memaklumkan, pada peringkat awal, kesemua mangsa di pusat pemindahan mendapat bantuan yang cukup, namun menjelang beberapa jam kemudian jumlah mangsa semakin bertambah dan situasi itu me-

nyebabkan JKM terpaksa mengambil masa membuat persiapan tambahan.

Dalam kenyataannya di sini hari ini, JKM menjelaskan, jabatan itu bagaimanapun berjaya menyelesaikan masalah kelewatan bantuan itu dan memberi jaminan mangsa banjir tidak lagi akan berhadapan masalah sama.

"JKM juga tidak menafikan faktor banjir yang teruk jarang berlaku di Kuantan antara penyebab kelewatan bantuan tiba. JKM tidak mempunyai

anggaran statistik dari segi jumlah mangsa banjir bagi tujuan penyediaan bantuan. Situasi banjir di Kuantan adalah di luar jangkaan.

"Tidak seperti di Terengganu dan Kelantan, berikutan kekerapan musim banjir di kedua-dua negeri itu, JKM mempunyai rekod anggaran jumlah mangsa dan kawasan berpotensi menghadapi banjir bagi memudahkan penyediaan bantuan untuk semua mangsa," demikian menurut kenyataan itu.